

К ОПУБЛИКОВАНИЮ

КОМИ РЕСПУБЛИКАЛӦН

ОЛАНПАС

«Коми Республикаын олысьяслы социальнӧя отсалӧм йылысь»

Коми Республикаса Оланпасӧ вежсьӧмъяс пыртӧм йылысь

Примитӧма Коми Республикаса

Каналан Сӧветӧн

2021 вося лӧддза-номъя тӧлысь 24 лунӧ

1 статья. Пыртны «Коми Республикаын олысьяслы социальнӧя отсалӧм йылысь» Коми Республикаса Оланпасӧ (Коми Республикаса канму власьт органъяслӧн индӧд-тшӧктӧмъяс, 2005, 3 №, 3765 ст.; 12 №, 4109 ст.; 2006, 1 №, 4180 ст.; 7 №, 4483 ст.; 2007, 2 №, 4703 ст.; 3 №, 4726 ст.; 4746 ст.; 6 №, 4835 ст.; 11 №, 5141 ст.; 2008, 5 №, 199 ст.; 11 №, 607 ст.; 609 ст.; 12 №, 725 ст.; 2009, 40 №, 736 ст.; 49 №, 991 ст.; 2010, 16 №, 296 ст.; 24 №, 577 ст.; 44 №, 1026 ст.; 2011, 5 №, 96 ст.; 6 №, 110 ст.; 14 №, 354 ст.; 23 №, 597 ст.; 37 №, 971 ст.; 2012, 6 №, 149 ст.; 20 №, 441 ст.; 63 №, 1552 ст.; 2013, 10 №, 205 ст.; 17 №, 348 ст.; 32 №, 593 ст.; 37 №, 707 ст.; 2014, 17 №, 317 ст.; 27 №, 507 ст.; 33 №, 666 ст.; 676 ст.; 2015, 11 №, 142 ст.; 149 ст.; 26 №, 350 ст.; 2016, 4 №, 52 ст.; 9 №, 100 ст.; 12 №, 139 ст.; 17 №, 231 ст.; 18 №, 263 ст.; 2017, 27 №, 487 ст.; 2018, 14 №, 234 ст.; 17 №, 305 ст.; 2019, 5 №, 63 ст.; 15 №, 206 ст.; 21 №, 312 ст.; 2020, 4 №, 31 ст.; 17 №, 277 ст.; 18 №, 293 ст.; 2021, 3 №, 42 ст.; 6 №, 110 ст.) татшӧм вежсьӧмъяс:

1. 2 статьяса 1 юкӧнӧ содтыны татшӧм сюрӧса 8.2 да 8.3 пунктъяс:

«8.2) сизим да унджык тыр арлыдтӧм челядя семьяяслы велӧдан организацияын велӧдчӧм кежлӧ кагаӧс (челядьӧс) дасьтӧм вылӧ быдвося сьӧм мынтӧмсӧ сетӧм;

8.3) сизим да унджык тыр арлыдтӧм челядя семьяяслы транспорт средство ньӧбӧм вылӧ ӧтчыдысь социальнӧй мынтӧмсӧ сетӧм;».

2. Содтыны татшөм сюрөса 19.5 статья:

**«19.5 статья. Сизим да унджык тыр арлыдтөм челядя семьяяслы
социальнөя отсалан мераяс**

1. Сизим да унджык тыр арлыдтөм челядя семьяяслы 6 арөссянь 18 арөсөдз арлыда быд кагаөс (ассыныс, пи (ныв) пыдди босьтөмаөс, дядьводз (ичиньводз) пиөс, дядьводз (ичиньводз) нылөс) велөдан организацияын велөдчөм кежлө дасьтөм вылө велөдчан вонас өтчыдысь сетöны быдвося сьом мынтөм – Коми Республикаса Вescькөдлан котырөн урчитөм пöрадокын, мындаясын да условиеяс вылын.

2. Сизим да унджык тыр арлыдтөм челядя семьяяслы, көнi гозьяис (бать либö мам (пи (ныв) пыдди босьтысь), кодi абу гöтыра (абу верöс сайын) олöны Коми Республика мутасын вит воысь оз этшаджык, сетöны транспорт средство ньöбöм вылө өтчыдысь социальнöй мынтөм – Коми Республикаса Вescькөдлан котырөн урчитөм пöрадокын, формаын, мындаясын да условиеяс вылын.

Транспорт средство ньöбöм вылө өтчыдысь социальнöй мынтөмсö сетöны өтчыдысь.

Тайö статьясö збыльмөдөм могысь транспорт средство улын гөгөрвосьö аймуын вöчөм автомашина, көнi квайтысь абу этшаджык пукалан места (шоперлөн пуклöсысь өтдор), кутшөм оз пыр Россия Федерацияса оланпастэчас серти канму учётö да (либö) кутшөм-либö торья мортлөн асэмбурö, кутшөмöс босьтөма официальнöй дилерлысь (дистрибьюторлысь) батьлөн либö мамлөн (пи (ныв) пыдди босьтысьясысь өтилөн) асэмбурö.

3. Тайö статьяын индөм социальнöя отсалан мераяс сетөм вылө семьяö пырысьяссö индöны ассыныс, пи (ныв) пыдди босьтөм челядьöс, дядьводз (ичиньводз) пиөс, дядьводз (ичиньводз) нылөс тöд вылө босьтөмөн, кодьяслы эз на тыр 18 арөс, кодьяс социальнöя отсалан мера сетөм йылысь шыөдчан лун вылө олöны бать-мамкөд (батькөд либö

мамкӧд (пи (ныв) пыдди босьтыськӧд, кодӧ абу гӧтыра (верӧс сайын) ӧтлаын.

4. Тайӧ статьяын индӧм социальнӧя отсалан мераяс сетӧм вылӧ семьяӧ пырысьяссӧ индӧны:

1) челядьӧс тӧд вылӧ босьттӧг, кодьяс серти бать-мамсӧ урчитӧм пӧрадокын мездӧма бать-мам инӧдьясысь либӧ дзескӧдӧма бать-мам инӧдьясын, – бать-мам инӧдьясысь мездан либӧ бать-мам инӧдьясын дзескӧдан период вылӧ;

2) челядьӧс тӧд вылӧ босьттӧг, кодьяслы тырӧма 16 арӧс, кодьясӧс урчитӧм пӧрадокын шуӧма тырвуйӧ кывкутны вермысьясӧн (эмансипируйтӧмаясӧн);

3) гӧтрасьӧм челядьӧс тӧд вылӧ босьттӧг, кодьяслы эз на тыр 18 арӧс.».

3. Нимын, 22 статьяса медводдза абзацын «9, 15, 19, 19.1, 19.3, 19.4 статьясын» кывьяс вежны «9, 15, 19, 19.1, 19.3, 19.4, 19.5 статьясын» кывьясӧн.

2 статья. Тайӧ Оланпасыс вынсялӧ 2021 вося моз тӧлысь 1 лунсянь да лоӧ вынаӧн 2023 вося ӧшым тӧлысь 31 лунӧдз, положенияс кындзи, кутшӧмьяс вылӧ тайӧ статьяса мӧд юкӧнӧн урчитӧма мӧд вынсялан кадколаст.

Тайӧ Оланпаслӧн 1 статьяса 1 пунктлӧн коймӧд абзац, 2 пунктлӧн нельӧд – квайтӧд абзацьяс вынсялӧны 2021 вося кӧч тӧлысь 1 лунсянь да лоӧны вынаӧн 2023 вося ӧшым тӧлысь 31 лунӧдз.

Коми Республикаса Вескӧдлан котырлы примитны тайӧ Оланпас збыльмӧдӧмсӧ мӧгмӧдысь нормативнӧй инӧда актяс.

СЫКТЫВКАР

2021 вося сора тӧлысь 1 лун

62-РЗ №